



KOMUNIKADO PA PRENSA

Fecha

18/8/2016

Accountmanager

Jhanirha Da Costa Gomez-Anita

Email

jhanirha.anita@gobiernu.cw

Ban pone área di Pal'i Mangel na Rif den Otrobanda na òrdu!

Willemstad – Porfin nos ta ban drecha e situashon den e área di mangel di tam na Rif den Otrobanda! Domeinbeheer a laga traha un plan di desaroyo riba enkargo di Minister Suzy Camelia-Romer di Tráfiko, Transporte i Planifikashon Urbano, pa e área di mangel di tam. E plan ta enserá ku e molèster di sanguranan mester ta bou di kontròl i e awa ta keda limpi, pues ku no tin bashamentu di riol den e awa mas.

Den kuadro di esaki lo tin un seshon di informashon pa barío di Otrobanda. Esaki ta tuma lugá djaluna dia 22 di ougùstùs 2016 di 7or pa 9or di anochi na Parkeerplaats di SVB.

Durante di e seshon di informashon aki lo informá habitantenan di e barío tokante e plan. Esaki ta mirando ku ta nan ta esnan ku aktualmente tin mas molèster di e situashon i ku den futuro lo benefisiá mas di e kambionan ku lo tuma lugá.

E plan di desaroyo mes ta tuma mas o ménos 12 luna pa ehekutá i lo ta bou di enkargo di CCM Engineering, Arcadis i Lyongo Architecture. Tur esaki ta den kuadro di hasi Kòrsou: Un tremendo lugá pa biba, un tremendo lugá pa bishita!